

# Ukiumoortumik nalunaarusiaq 2014



# **UKIUMOORTUMIK NALUNAARUSIAQ 2014**



**Ukiumoortumik  
nalunaarusiaq 2014**  
Saqqummersitsisoq:  
Naatsorsueqqissaartarfik

Uani  
pissarsiarineqarsinnaavoq:  
[www.stat.gl](http://www.stat.gl)

**Adresse**

Naatsorsueqqissaartarfik  
Postboks 1025  
3900 Nuuk  
Oqarasuaat.: 34 57 70  
Fax: 34 57 90  
E-Mail: [stat@stat.gl](mailto:stat@stat.gl)  
[www.stat.gl](http://www.stat.gl)  
GLN 579000195270

## **Aallaqqaasiut**

Naatsorsueqqissaartarfiup 2014-imut ukiumoortumik nalunaarusiaa saqqumiunneqarpoq. Naatsorsueqqissaartarfiup suliassai, tassunga ilanngullugit suliffeqarfiup inatsisitigut tunngavigisai aqutsinermilu pissutsit nalunaarusiam allaaserineqarput. Tamatuma saniatigut Naatsorsueqqissaartarfimmi 2014-mi kisitsisitigut paasissutissanut suliarineqartunut kiisalu suliffeqarfiup aningaa-saqarneranut, sulisut allaffiillu atorneqartut pillugit takussutissartalik nalunaarusiap imarai.

2014-imut ukiumoortumik nalunaarusiaq pisarnermiit naanneruvoq. Tas-sunga taarsiullugu ingerlatsinermi pilersaarutit ukiunut 2015 – 2018 sulias-sanut pilersaarutinut ukiumoortumik nalunaarusiamut uunga atatillugu saq-qummersinneqartunut siulersuisut sallituppaaat.

Vøgg Løwe Nielsen  
Siulersuisunut siulittaasoq

## **1. Naatsorsueqqissaartarfiup suliassai aqunneqarneralu**

*Naatsorsueqqissaarfik*

Naatsorsueqqissaartarfik Kalaallit Nunaanni pisortatigoortumik naatsorsueqqissaarinernut qitiusumik oqartussasuuvooq. Naatsorsueqqissaartarfiup inui-aqatigiit tungaasigut ineriartornerup, politikkut allaffissornikkullu aalajangiinerit kiisalu pilersaarusiornert misissoqqissaarnissaannut paasissutisatigut tunngavigneqartut qulakkeerneqarnissaat akisussaaffigaa. Ulluinnarni aqutsisoqarneq naatsorsueqqissaartarfimmi pisortaasumit isumagineqarpoq, taassumalu suliffeqarfik avammut aamma sinniisuuffigaa.

*Aqqissuussaanikkut  
inissisimaneq*

Naatsorsueqqissaartarfik aaqqissuussaanikkut Aningaasaqarnermut Naalakkersuisoqarfipataaniippoq.

### **1.1 Siulersuisut aamma siulersuisut suliassaat**

*Siulersuisut suliassaat*

Siulersuisut suliassaat Inatsisartut inatsisaanni nr. 11, 29. oktober 1999-imeerumi takuneqarsinnaasut ukuupput:

- Kalaallit Nunaanni Naatsorsueqqissaartarfimmut pingaarnertut akisussaaffik isumagissallugu
- Kisitsositigut paasissutissat tamaneersut katinernissaannut siunnersuuteqassallutik
- Kalaallit Nunaanni Naatsorsueqqissaartarfik anguniakkanut aalajangersakkat naapertorlugit sulinersoq nakkutigissallugu
- Suliniuteqarfigineqartunut piffissaq ungasinnerusoq isigalugu Kalaallit Nunaanni Naatsorsueqqissaartarfiup pilersaarusiornera akuersissutigissallugu
- Kalaallit Nunaanni Naatsorsueqqissaartarfiup sulinissamut pilersaarutai akuersissutigissallugit

Ukiumut ataasiartumik suliffeqarfip sulinera pillugu Naalakkersuisunut nalunaarummik tunniussaqartarnissaq

*Siulersuisut katinigaaerat*

Siulersuisut 2013-ip naanerani ukuninnga inuttaqarput, taakku atuuffiisa atorunnaarnissaat ungaluusami nalunaarlugu:

- Vøgg Løwe Nielsen, siusinnerusukkut Danmarks Statistikimi allaffimmi pisortaanikoq (5. juni 2017)
- Henrik Leth, Polar Seafoodimi siulersuisuni siulittaasoq (5. juni 2016)
- Kim Neumann Nielsen, Akileraartarnermut Aqutsisoqarfimmi pisortaq (5. juni 2016)
- Aaja Chemnitz Larsen, meeqqat pisinnaatitaaffii pillugit suliniaqtatigiiffimmi MIO-mi meeqqat illersuisuat (5. juni 2015)
- Lulu Nielsen, Kommuneqarfik Sermersuumi siunnersortaaneq (5. juni 2017)

Siunnersortaaneq Josef Kajangmat 2013-imi Naatsorsueqqissaartarfimmi sulisut sinnerlugit alaatsinaatsutut siulersuisunut ilaavoq.

Vøgg Løwe Nielsen siulersuisunut siulittaasutut 2014-imi qineqqippaat, Lulu Nielsen-illu Karl Davidsen siulersuisunit ilaasortatut taarserpaa.

Kalaallit Nunaanni Naatsorsueqqissaartarfimmi siulersuisut 2014-imi pingasoriarlutik ataatsimiippuit. Siullermik ataatsimiinnermi 2013-imi sulisimanerup nalilorseqarnissaa qitiutinneqarpoq, tassunga ilanngullugu ukiu-moortumik nalunaarusiaq. Ataatsimiinnerup tulliani pingarnertigut sulifeqarneq siammarterisarnerlu qitiutinneqarput, ataatsimiinnermilu kingul-lermi missingersuutit suliassanullu missingersuutit sulinissamullu pilersaa-rutit oqallisigalugit 2015-ip pilersaarusiornissaa qitiutinneqarluni.

Siulersuisut inassuteqaateqarnerisigut naatsorsueqqissaartarfimmi pisortap ukiunut aalajangersimasunut atorfearnera 2017-imi novembarip naanisaanut 2014-imi sivitsorneqarpoq.

## **2. Naatsorsueqqissaartarfimmi ukiup ingerlanera**

### **2.1 Kisitsisitigut paasissutissanik suliaqarneq**

Immikkoortuni kisitsisitigut paasissutissat assigiinngitsut saqummersineqartut agguarnerat takussutissami ataaniittumi ersippit. 2014-imi ukiullu siuliini Naatsorsueqqissaartarfipi saqqummersitai immikkualuttunngorlugit takussutissiorneri nittartakkimi takuneqarsinnaapput.

#### **Takussutissiaq 1. 2010-2014 saqqummersitat amerlassusivii aamma immikkoortut kisitsisitigut paasissutissanik suliaqarfiusut malillugit 2015-imi saqqummersitassatut pilersaarutaasut**

	2010	2011	2012	2013	2014	2015
Ukiumoortumik saqqummersitat ...	2	2	2	2	2	2
Aningaasaqarneq pillugu kisitsisitigut paasissutissat .....	18	17	21	18	23	24
Inuit pillugit kisitsisitigut paasissutissat .....	5	6	9	8	8	8
Suliffeqarneq pillugu kisitsisitigut paasissutissat .....	7	12	19	23	23	24
<b>Katillugit</b>	<b>32</b>	<b>37</b>	<b>51</b>	<b>51</b>	<b>56</b>	<b>58</b>

Ukiut siuliinut sanilliullugu 2014-imi saqqummersitat allannguutaat pingarnerit ataani naatsumik allaaserineqarput.

*Nuna tamakkerlugu  
naatsorsuutit*

Inuussutissarsiutit tapersiissutaat 2014-imi nalilorseqarput. 2014-imi saqqummersitaq 2012-2013-imut kisitsisaagallartunik 2011-mullu inaarutaasumik kisitsisinik imaqarpoq. Taamaalilluni nuna tamakkerlugu naatsorsuutit nalinginnaasumik ingerlalerput, taamaalilluni ukiut marluk siuliinut qaninnernut kisitsisaagallartut ukiumullu ataatsimut (t-3) inaarutaasumik kisitsit ukiut tamaasa suliarineqartalissapput.

*Nukissiuutit*

Nukissiuutit pillugit kisitsisitigut paasissutissat immikkoortuni arlalinni 2014-imi pitsangortinneqarpoq. Ilaatigut ukiumoortumik nukissiuutinik atuiner-nik kisitsineq suliffeqarfinnit 100-niit 150-inut annertusineqarpoq. Polar-oilimiit paasissutissat nutaat immami gasoliamik oliamillu orsussamik

orsussalersuinerup nutarterneqarneranik kinguneqarput. Naggasiullugu Kalaallit Nunaanni gasoliamik teknikkikkut nalilersuineq Kalaallit Nunaanni immikkut tunisassianut gassitalinnut tunngavik gasoliallu ikumasinnaassusia siullermeerluni ilanngunneqarsinnaalerput.

*Takornariaqarneq*

Timmisartunut ilaasut nuna angerlarsimaffiat pillugu kisitsisitigut paasis-sutissat Naatsorsueqqissaartarfiup 2014-imi siullermeerluni saqqummersipaa. Timmisartunut ilaasunut Kalaallit Nunaannit aallartunut nuna angerlarsi-maffiat pillugu apeqqutinik kisitsisitigut paasissutissat tunngaveqarpoq. Aasap qaammatai 2014-imut kisitsisitigut paasissutissani pineqarput. Apersuinermik aallartitsinermi annertuumik ajornartorsiuteqarneq pissutaalluni – timmi-sartunut ilaasut tamarmik aperineqanngillat. Ilimagineqarpoq 2015-imiit ukioq tamaat pillugu kisitsisitigut paasissutissortoqassasoq, tassanilu ilaasut amerlanerit ilanngunneqassasut.

*Akit nalingat*

Danmarks Statistikimiit siunnersortimit ikiorneqarluni Danmarkimi aamma Kalaallit Nunaanni atuisunut akit qaffasissusaat sanilliullugu 2014-imi saq-qummersitsisoqarpoq. Misissuineq aallaaviatigut ataasiaannarluni saqqum-mersitsineruvoq, kisiannili suliassamut isumalluuteqarsinnaappat pisariaqartitsineq malillugu saqqummersitseqqittoqarsinnaavoq.

*Inuttaasut siunissami  
amerlassusissaannik  
naatsorsuineq*

Naatsorsueqqissaartarfik piffissami 2040-p tungaanut innuttaasut siunissami amerlassusissaannik paasissutissat 2012-imiit saqqummersittarpai. Innuttaasut siunissami amerlassusissaat pillugu kommuninut agguarlugu siunissamut naatsorsuinermik siullermeerluni imaqarpoq.

*Ilinniartitaaneq pillugu  
kisitsisitigut paasissutissat  
ISCED2011*

Ilinniagaqassutsip qaffasissusia ilinniartitaanerillu ISCED2011 pilligit tunngavik nutaaq Naatsorsueqqissaartarfiup 2014-imi saqqummiuppa. Tunngavik nutaaq taanna kinguneqarpoq 2014-imi ilinniartitaaneq pillugu kisitsisitigut paasissutissat ilinniakkanut agguarlugu immikkuualunnerusunik imaqarnera.

*Suliffissarsiortut*

Suliffeqarnerup ineriartornera pillugu sukkasuumik paasissutissaliortoqarnissaanik pisariaqartitsineq iliuuseqarfiginiarlugu suliffissarsiortutut nalunaarsorneqartunik qammatikkaartumik naatsorsuinerit saqqummersinneqartarput. Suliffissarsiortunik qammatikkaarlugu kisitsisitigut paasissutissat kvartalikkaarlugit qammatillu qassit suliffissarsiorttuusimanerannik kisitsisitigut paasissutissanik 2014-imi ilaneqarput. Kisitsisitigut paasissutissanik nutaani inuit suliffissarsiort amerlassusaat suliffissarsiortuunermilu piffissap sivisussusaa isiginiarneqarput.

*Meeqqat piitsut*

Ilaqtariit meerartallit isertitaasa agguernerisa ineriartornerannik takutitisunik naatsorsuinernik isertitat pilligit kisitsisitigut paasissutissat 2014-imi ilaneqarpoq.

*Suliffeqarneq  
ilinniarsimanerullu  
qaffasissusia*

Nunat tamat akornanni ILO-p tunngavii aallaavigalugit suliffeqarneq sulif-fissaaleqinerlu pilligit imminut atasumik kisitsisitigut paasissutissat 2012-imi pilersinneqarpoq. 2014-imi suliffeqarneq pillugu kisitsisitigut paasissutissat

suliffeqartut, suliffissaaleqisut inuillu sulisinnaasut avataniittut ilinniarsimassusiisa qaffasissusianik naatsorsuinernik annertusineqarput. Aalisarsinnaanermut akuersissutinik nakkutilliisoqarfimmit paasissutissat tunngavigalugit ukiuni 2011-2013 angallatinut agguarlugit tunisat amerlassusaannik 2014-imikisitsisitigut paasissutissat Naatsorsueqqissaartarfuiup siullermeerluni saqqummersippai. Naatsorsuineq ukiut kinguliini ukiumoortumik kisitsisitigut paasissutissanut ilaassassapput.

## 2.2 Kisitsisitigut paasissutissanik paasissutissiisarneq

### *Elektroniskinngorlugu paasissutissiisarneq*

Naatsorsueqqissaartarfuiup avammut attaveqartarnera elektroniskinngorlugu pinerusarpoq. Elektroniskinngorlugu paasissutissiisarneq akikinneruvoq, sukkannerulluni aammalu tigusisartut assigiinngitsut pisariaqartitaat naaper-torlugit allanngortikkuminarluni.

Nittartakkami tusagassiutinut nalunaarutit, saqqummersitat, immikkut saqqummersitat, ukiumoortumik kisitsisitigut paasissutissat aamma kisitsisaataasivik ataatsimoortillugit takuneqarsinnaanerat neqeroorutigineqarpoq. Nittartagaq danskisuujuneruvoq kalaallisuujunerullunilu, immikkoortulli pingarnerit tuluttut nutserneqarnikuupput.

*2014-imikat alakkarterisut 63  
%-inik amerlanerupput*

Naatsorsueqqissaartarfuiup nittartaga 2014-imikat inunnit assigiinngitsunit 37.560-init 55.262-eriarluni alakkarterineqarpoq. Quppernerit assigiinngitsut 212.751-it takutinneqarput. Tamassuma assigaa alakkarterinermi ataatsimi quppernerit takutinneqartut 3,85-it<sup>1</sup>, tak. takussutissiaq ataaniittoq. Alakkarterisut 2013-ip kingorna 63 %-inik amerleriarput.

### Takussutissiaq 2. 2014-imikat Naatsorsueqqissaartarfuiup nittartagaanik alakkarterisut

	Allakkarterisut	Quppernerit takutinneqartut	Alakkarterinermi ataatsimi quppernerit takutinneqartut
<b>Katilugit</b> .....	<b>55.262</b>	<b>212.751</b>	<b>3,85</b>
Januaari .....	2.995	7.121	2,38
Februari .....	3.867	13.769	3,56
Marsi .....	5.523	25.511	4,62
Aprili .....	4.804	20.192	4,2
Maaji .....	4.746	20.067	4,23
Juuni .....	3.627	15.103	4,16
Juuli .....	3.205	12.208	3,81
Agusti .....	3.738	14.024	3,75
Septembari .....	5.028	20.230	4,02
Oktobari .....	5.409	21.354	3,95
Novembari .....	7.245	26.290	3,63
Decembari .....	5.075	16.882	3,33

<sup>1</sup> Hit-imut kisitsisit Google Analytics-imeerput. Assersutigalugu alakkarterisoq www.stat.gl-ip saqqaanit aallartikkuni tamatumalu kingorna "Naatsorsueqqissaartarfik pillugu" iseruni aammalu kisitsisitigut paasissutissat kingulliullugit takullugit, tamatumalu kingorna alakkarterisup browseri matuppagu tamanna quppernerut pingasutut naatsorsunneqassaaq alakkartutulli ataasiinnartut nalunaarneqarluni.

Alakkarterisut ukiup ingerlanerani allanngorartorujussuullutik agguaqatigiissillugu ullormut maannakkut 151-iulerput. Alakkarterisut nunanit assigiinngitsunit 123-neersuupput. Naatsorsueqqissaartarfiup nittartagaanit tamarmiusunit 41 %-ii Danmarkimi internetimik atuisuupput, taavalu alakkarterisut 39 %-ii Kalaallit Nunaanni atuisuullutik.

### **Takussutissiaq 3. 2014-imi Naatsorsueqqissaartarfiup nittartagaanik alakkarterisut, nunanut agguarlugit**

Nuna	Amerlassus aat
<b>Katillugit</b>	<b>55.262</b>
Danmark	22.403
Kalaallit Nunaat	21.530
USA	2.007
Norge	1.590
Storbritannien	790
Tyskland	620
Canada	618
Sverige	603
Island	489
Frankrig	364
Nunat allat	4.248

#### *Saqqumersitsinerit*

Kalaallit Nunaanni Naatsorsueqqissaartarfimmit saqqummersittakkat tamar- mik nittartakkami akeqanngitsumik pissarsiarineqarsinnaapput. Naatsorsueqqissaartarfik suliassanut pilersaarut malillugu *Ukiumoortumik Kisitsisitigut Paasissutissat* ilanngunnagit 56-inik saqqummersitsisussaavoq. Taakkunanna 91 %-ii 2014-imi saqqummersinneqarput 2013-imi 87 %-iusut. Piffissaq eqqorlugu saqqummersinneqartut aatsaat taamak amerlatigipput.

### **Takussutissiaq 4. 2013-imi 2014-imilu saqqummersitsinerni piffissamik eqquineq**

	Saqqummersinneqartut amerlassusaat	
	2013	2014
Piffissaq eqqorlugu	46	51
Sapaatip akunnera ataaseq tikillugu kingusinaarluni saqqummersinneqartut	0	0
Qaammat ataaseq tikillugu kingusinaarluni saqqummersinneqartut	2	3
Qaammat ataaseq sinnerlugu kingusinaarluni saqqummersinneqartut	3	1
Ukiup tullianut kinguartinneqartut taamaatiinnarneqartulluunnit	2	1
<b>Katillugit</b>	<b>53</b>	<b>56</b>

#### *Kisitsisaataasaivik*

Saqqummersinneqartunut atatillugu tabelini arlalinni immikkualuttunngorlugit paasissutissat kisitsisaataasivimmi takuneqarsinnaapput. Naatsorsueqqissaartarfip nittartagaatigut imaluunniit toqqaannartumik adressimi [bank.stat.gl](http://bank.stat.gl) kisitsisaataasivimmut alakkaasoqarsinnaavoq. Kisitsisaataasivim- mik atuisut 2014-imi tabelit assigiinngitsut 220-t sinnerlugit akornanni toqqarsinnaavaat, ukiup siuliani 215-iupput.

Kisitsisaataasivimmi kisitsisaatigineqartut aaneqarsinnaapput atuisullu namminneq programiutaanni imaluunniit periarfissat allat kisitsisaateqarfip atuisunut quppersagaaniittut atorlugit suliarineqarsinnaapput. Tabelini tamaani oqaatsit pingasut atorneqarput: Kalaallisut, danskisut tuluttullu.

### Takussutissiaq 5. Naatsorsueqqissaartaifiup kisitsisaataasivianut 2014-imi alakkaasut

	Alakkaasut	Quppernerit takutinneqartut	Alakkaanermi ataatsimi uppernerit takutinneqartut
<b>Katillugit</b>	<b>11.639</b>	<b>24.878</b>	<b>2,14</b>
Januaari .....	986	2.363	2,4
Februaari .....	1.023	2.305	2,25
Marsi .....	1.208	2.768	2,29
Aprilli .....	978	2.131	2,18
Maajl .....	1.113	2.458	2,21
Juuni .....	730	1.411	1,93
Juuli .....	603	1.287	2,13
Agusti .....	745	1.520	2,04
Septembari .....	768	1.643	2,14
Oktobari .....	1.110	2.318	2,09
Novembari .....	1.392	2.693	1,93
Decembari .....	983	1.981	2,02

#### Ukiumoortumik Kisitsisitigut Paasissutissat

Naatsorsueqqissaartaifiup Ukiumoortumik kisitsisitigut paasissutissat 2010-mili qarasaasiatigut saqqummersittalerpai. Ukiumoortumik kisitsisitigut paasissutissat Epub-innngorlugit aamma pdf-innngorlugit kalaallisut danskisullu 1. Juuli 2014-miit saqqummersinneqartalerput. E-bog Naatsorsueqqissaartaifimmit ilusilersorneqartut aaneqarsinnaavoq imaluunniit Ukiumoortumik Kisitsisitigut paasissutissat nammineq pigisassatut nutarterneqarnera kingulliuup aanissaa toqqarneqarsinnaalluni. Nammineq pigisassat taamaallaat kapitalnik toqqakkanik imaqarpoq, aammaarluni epub-it imaluunniit pdf-itut kalaallisuu dankisuualuunniit aaneqarsinnaapput.

### Takussutissiaq 6: E-bogit aaneqartut amerlassusaat

	E-bog <sup>1</sup>							Nammineq Katillu pigisassat <sup>2</sup>	git
	Jul	Aug	Sept	Okt	Nov	Dec	I alt		
<b>Katillugit</b>	<b>191</b>	<b>117</b>	<b>144</b>	<b>147</b>	<b>146</b>	<b>149</b>	<b>894</b>	<b>722</b>	<b>1.616</b>
Danskisut pdf	126	73	100	107	95	92	593	424	1.017
Danskissut epub	37	19	15	19	15	10	115	254	369
Kalaallisut pdf	14	11	14	13	22	31	105	12	117
Kalaallisut epub	14	14	15	8	14	16	81	32	113

<sup>1</sup> E-bog. Ukiumi 1. juli Naatsorsueqqissaartaifimmit pilersinneqartarpuit allanngortinneqarnerlu ajorlutik.

<sup>2</sup> E-atuakkat nammineq pigisat. Atuismiit pilersinneqartarpuit tassaallutillu kapitalit nutartikkat kingullit toqqarneqartut.

#### Unnak kulturisorfik oqalugiartarnerillu

Inuttaasut sulisoqarfip ingerlatsineranik paasisinneqarnissaat siunertaralugu januaarimi arfinningornerit kingullersaasa aappaanni Naatsorsueqqissaar-

tarfik 2014-imi unnummi kulturisiorfimmi peqataaqqippoq. Aaqqissuussineq Illeqatutitut ingerlanneqarpoq.

Kisitsisaataasivimmik atuinissaq pillugu ilinniartunut aamma Namminersorlutik Oqartussat qitiusumik allaffissuanni sulisunut 2014-imi pikkoris-sartitsisoqarpoq. Aamma tusagassiorungornianut bacheloringorniarlutilu ilinniartunut ilinniartitsissummi Inuaqtigiinni pissutsit nutaaliaasut pillugit ilinniartitsinermi Naatsorsueqqissaartarfik tapersiivoq.

Naatsorsueqqissaartarfik pillugu ilisaritsissut KNR-tv-ip 2014-imi takussutisiaraa. Aallakaatitaq siullermeirluni 2015-imi januaarimi takutinnejarpooq.

- Facebook** Naatsorsueqqissaartarfik Facebookimi quppernermik 2014-ip naanerani pilersitsivoq. Naatsorsueqqissaartarfimmit nutaarsiassat amerlanerusunut siammarnissaat ilimagalugu qupperneq pilersinneqarpoq. 2015-ip aallartinnerani Facebookimi qupperneq 420-ngajannit malinnaavagineqarpoq.

### **2.3 Aningaasatigut isumalluutit**

Suliassanut pilersaarut ukiumoortumik aningaasanut inatsimmi aningaasa-liissutinit atugassangortinnejartunit kiisalu suliakkiissutinit isertitanit aningaasalorsorneqartoq Naatsorsueqqissaartarfip aalajangersortarpaa.

2014-imut aningaasaliissutit 10.175 t.kr.-upput. Naatsorsuutitigut angusat 998 t.-kr-nik atuinikinneruneq takutippaat. Atuinikinneruneq missingersuu-siornermut atatillugu ilimagineqartunut sanilliullugu 2014-imi ukiup affaani kingullermi atorfinnik arlalinnik inuttalerneqanngitsunik kiisalu nuna tamak-kerlugu naatsorsuutinut siunnersortinut ikinnerusunik aningaasartuuteqar-nermik aammalu ininut nutaanut nuunnermi ikinnerusunik aningaasartuuteqarnermik pissuteqarneruvoq.

Siunnersortinut aningaasartuutit 2013-imit 2014-imut qaffannerat sanilius-silluni akinik misissuinermut atatillugu siunnersortinit ikiorneqarnermut aningaasartuuteqarnermik pissuteqarneruvoq. Illuutinut aningaasartuutit ikileriarnerat Illeqatutitut nuunnermut atatillugu illumik attartornermut akiliuteqarunnaarnermik pissuteqarpoq.

## Takussutissaq 7. 2010-2014-imi naatsorsuutitigut angusat

Suuneri	2010	2011	2012	2013	2014
Akissarsiat .....	9 694	8 951	8 783	9.326	9.960
Sulinermut atatillugu angalanerit .....	166	203	222	178	206
Ilassinninnerit / tunissutit .....	12	7	8	10	11
Pikkorissarnernut aningaaasartuutit .....	63	52	175	139	37
Siunnersortit avataaneersut .....	1 027	648	467	345	982
Sulilersunut suliunnaartunullu aninggaasartuutit, inigineqarallartut .....	209	-	69	40	66
Sullissinerit .....	339	262	365	332	288
Pisiat allaffisornermullu aninggaasartuut .....	359	233	216	123	188
Illuuit .....	350	356	363	371	94
Isertitanut .....	-1 903	-1 600	-2 066	-2.887	-2.633
It-mut aninggaasartuutit pisiallu .....	526	265	262	285	288
<b>Kisitsisit pingarnerit .....</b>	<b>10 840</b>	<b>9 379</b>	<b>8 864</b>	<b>8.261</b>	<b>9.187</b>

## 2.4 Sulisut

*Sulisut 2014-ip naanerani*

31. decembari 2014-imi sulisorineqarput pisortaq, pisortap tullia ataaseq, naatsorsueqqissaarnermi siunnersortit qulit, paasissutissiisartoq ataaseq, nutserisoq ataaseq, allaffimmiut marluk ilinniartorlu ikiorti ataaseq. Sulisut nutaat marluk 2014-imi atorfinitisinneqarput. Sulisut nutaat aappaa ukiup naannginnerani sulisullu allat marluk soraarput.

*Qaammamusiallit ukiut  
agguaqatisiillugu suliffii  
ukiut 8,3-upput*

Sulisoq tiimimusialik ukiup naanerani ataasiuvoq. Qaammamusiallit ukiut agguaqatigiissillugit suliffiit ukiut 8,3-upput. Qaammamusiallit akornanni sulisoqarsimanermi ukiut 7,7-it atorneqarsimapput.

## 2.5 Allaffeqarneq

Kalaallit Nunaanni Naatsorsueqqissaartarfik 2008-ip qiteqqunneraniilli Ilimmarfiup ilaani kalaallit ilisimatusarnermik suliaqartut arlaqartut allat peqatigalugit inissismavoq. Qitiusumik allaffissuup ilaata allaffimmut quleriiaartumut nuunneranut atatillugu allaffiit atorneqarunnaarmata Naatsorsueqqissaartarfik ulloq 25. aprili 2014 Nuuk qeqqani allaffinnut nuuppoq. Nuunnermi siunertaq tassaavoq qitiusumik allaffissuarmi aqutsisoqarfiiit, kommunit, suliffeqarfiiit anginerit soqutigisaqaqtigiillu kattuffii ilanngullugit suleqatigineqartartut pingarnerit qaninnerulernissaat.